

四庫全書

集部

欽定四庫全書

竹溪庸齋十一藁續集卷十五

宋 林希逸 撰

四六

賀江左相

上宰登庸明庭宣布今王立政宅俊而灼有三良弼輔  
台作相而置諸左朝紳喜而舉笏國勢定於覆盂竊以  
盛時所貴者多賢泰階莫難於齊色昔惟元祐尊申國

而呂范並除亦若成周內畢公而周召分治是所謂鼎  
承君之象于以成鼇立極之功於赫前聞復見今日共  
惟某官氣稟兩間之浩文為百世之宗早似獲麟當世  
謂異人之間出晚如翔鳳舉朝望大老之來歸盖方行  
言行道之時已有汝翼汝為之託先帝既登崇於兩社  
嗣皇遂圖任於初元其居休休以有容其進綽綽而餘  
裕賦靈光之在魯譽望獨隆歌缺斧之居東優游三入  
及茲廷告式副巖瞻同德同心上曰甘盤之舊學知兵

知國敵云江左之偉人翕然四海之皈依重矣一身之  
負荷和協於虞者臯夔之大德交懽於漢者平勃之良  
規推車何取如爭作楫但期共濟乾坤之闔闢有運人  
物之會合以時三賢謀而成太平之階自今以始千歲  
壽而計中書之考無疆惟休其喜際熙明迹慙衰邁昔  
忝相門之下士今為耕野之遺民既分守於黃冠徒企  
瞻於紫漢公來西洛想千人環馬以聚觀僕老香山雖  
一翁自漁而亦樂

賀馬右相

播告辨朝登庸真宰賚商者帝思舊學之甘盤祚宋惟  
天相中國之司馬歡騰海岳聲震華戎竊以聖時所貴  
者多賢泰階莫難於齊色昔惟元祐尊申國而呂范並  
除亦若蒼姬內畢公而周召分治是所謂鼎承君之象  
于以成鼇立極之功於赫前聞復見今日共惟某官稟  
德金明而玉粹蓄學地負而海涵方鱗舞狐號屹立南  
都之壁及鳳翔麟出獨鳴正始之音清名下視於嚴徐

精思上凌於燕許雖前輩老文學之士各避一頭凡中  
朝大典冊之文更無兩手先帝已深於簡注嗣皇宜亟  
於延登蓋煩公調護之時即咨汝弼承之意方歌几几  
俄賦樂樂九重欽竚者三年四海歡欣於再入貴居廊  
廟澹若癯儒名塞乾坤歔然盡下同堂選吏何嘗有范  
老之勾當世名流孰不入裴公之疏士聞風而自奮物  
蒙潤以不知屬當揆席之久虛預叩前旒而苦遜暨汝  
其濟曰有合哉二人非我有私亦惟佑于一德明良胥

會氣運有開三賢謀而成太平之階自今以始千歲壽  
而計中書之考無疆惟休某時際熙明格當閒退雖愧  
田中之老亦為門下之人慶世道以激昂企台垣而鼓  
舞千官百辟之選信永叔之知言一翁六士之詩笑樂  
天之癡語

甲子回生日啟

後村

公為翰長先携寶策而歸僕守祠官豈憶錦袍之舊同

嗟流落共念衰殘共惟某官履上星辰筆驚風雨身懷  
碧水丹山之綬意守清泉白石之盟六學士五相一翁  
公無不可九尚書四登兩地人謂宜然方將慷慨以縣  
車乃為交游而度曲某淒其寂寂愧此拳拳歌寡和之  
陽春喜而拍手問疑年之甲子數又從頭

新漳州劉通判

強甫

棹歌九曲喜得缺之便家弧射四方愧衰年之遁世客  
誰來只公獨念之伏惟某官家富經籛翁傳心印岸司



馬之嘖了不介懷學伯魚之詩自知得髓未忘舊雨為  
賦陽春某續前哲歸去來之詞見幾差晚誦可人好事  
近之作回向固宜率爾稟訓幸甚恕亮

余制參

邵魯

棹歌九曲喜得缺之便家弧射四方愧逃讒而遁世客  
誰來只公獨念之藹然舊雨之情賁以華星之字盛儀  
侈錫寒舍增輝叅紅蕖幕府之謀竚迎朱紱訪浣花草  
堂之隱亦有青芻謝擬面言幸祈體答

乙丑

福清陳簿

德亮

散人賜號尋棹歌九曲之游老景逃讒負弧射四方之  
志寂寂正慙於羅雀拳拳獨荷於棲鸞伏惟某官屈意  
勾朱潛心捨紫蜚聲鴈序著鞭始遜於少公造榜龍飛  
唾手即收於高第以毫端之游戲為門左之輝華七十  
年之過三自知衰退五百名之第一尚覩扶搖亟瀝謝  
言幸祈孳亮

丙寅回生日啟

後村劉尚書

生男子而縣六矢老慙戴氏之格言寄祿官而呼大蓬  
年比陸翁而自誚豈伊衰槁猶足品題汗顏錦卷之貽  
鏤膽荷囊之賜此蓋某官以真法從為太宗師先皇看  
坡老之文每聞停筇外國愛樂天之集不吝捐金未忘  
撰履之徒曲借濡毫之潤某雖有附青雲之喜愧難酬  
白雪之高况內學之命南音之辭僕悔晚矣若上殿之

扶北面之拜公願先之

新漳州劉通判

凋年急景誰憐退士之窮每歲茲辰長拜可人之賜陽  
春腔妙初度輝生共惟某官義山之鳳絕清士元之驥  
方展謂翁吾翁愛友久矣親之然子曾子何人擬之過  
矣以郢人寡和之曲賡先生自壽之詞愧不得當辭則  
何敢對嫦娥十九分得七之度有慙攀桂之天高誦放  
翁七十年又四之詩敢道大蓬之階似衆方鄙誚君獨品

題率控謝言幸希孚亮

子曾子之文  
忠詞中語

陳公益

年比香山之白自信非倫詞工雙井之黃雅知造妙華  
其初度惠以新腔且羅列品之嘉昭仍高情之篤此蓋  
某人曾藏遠趣筆有餘功義尤重於交游情不分於涼  
燠擇所宜而下拜感此意以彌襟執爨了頭豈堪歌於  
白雪揮毫叉手願即躡於青雲

福清薛知縣

夢桂

老處士橫江潭而漁伊誰訪問邑大夫為河東之鳳於  
我勤渠度雅調以入琴華久塵之縣矢共惟某官隱萬  
人海負一世豪為玉融金翅而來實迂俊武得錦瑟朱絃  
之妙雅有餘功歌此陽春榮其初度某思昔人風推戶  
之句幾誤攬衣歌令尹月當庭之詞不妨擊缶

先許  
見訪

### 興化蕭教授

小山桂隱誰為歲晏之華半水芹香獨惠陽春之曲捧  
提錦卷拂拭蓬弧伏惟某官奏賦名高橫經譽藉四海

傳千巖之集久謂世家諸生誦三舍之文見稱哲匠義  
存維梓喜動衡茅某忽得新腔頓回老色獨尋南隣愛  
酒之伴擊缶歌之何必東山携妓之游銜盃樂甚

新劒浦鄭主簿

僕守五窮已愧老夫之耄君名三絕肯貽幼婦之詞把  
翫幾題拂拭弧矢伏惟某官學叅諸老才壓羣英身為  
鸞棘之棲方將奮翮念及漁樵之叟不厭低眉雙緘之  
華三舍其遠某思候迎之一失有欠負之百慚敢意英

流未忘遁蹟暮齒九老圖之白才則歎焉新腔太史氏  
之黃褒之過矣

劉達卿

惠詞用  
後村韻

老守釣竿方枕石漱流而隱使持錦字自朋霞友月而  
來知吾故人記僕初度伏惟某人經明古意文謝時粧  
蔚有擅場之聲蚤作買山之計世無具眼頓成方叔之  
迷我有遐心不待孔賓之呼謂宜遺俗尚未忘情一門  
阿大中郎無詞和者三逕歡迎稚子樂與歌之

朋霞友  
月劉別



名業之

福清陳主簿

德亮

老甘漁隱是謂世之陳人賢有鸞棲猶念邑之寄客華  
其初度惠以新腔伏惟某官名早占於鄉書夢曾吞於  
古易尚携銀案必取青氍王楊盧駱之才暫為祿仕荀  
賈良平之作行振家聲以勾朱之餘功為垂白而加賜  
陽春白雪莫酬絕妙之詞通明紅雲但祝方來之慶

乃祖

省魁荀賈良

平之亞論傳

三丈書堂方巖尹

令嗣亦有詩

僕還四方之事世謂陳人君為三丈而來時有此客華  
其弧矢惠以珠璣伏惟某人簪裳世襲於芸香喬梓名  
聯於桂籍八叉手之賦如乘如臯一撫髭之吟有閑有  
甫何意老漁樵之士得交賢父子之間百賦千詩未有  
榮於此者兩采一賽所期恕而亮之因書緒言為僕多  
謝令嗣狀元更不別狀

石塘林子真

漢陰丈人之居紛其羅雀文隱先生之子譽以紱麟拍手自歌汗顏滋甚伏惟某人希蹤魏野拍肩洪崖屏案上之楞伽占筆端而游戲味少林之髓久矣杜門絃清廟之音時乎應世鏗鐫五字黼黻一寒棘句鉤章是乃兄之餘事金舂玉應尤愧僕之非長

石塘林子常

付珠林氏堂名

縣弧之六生男子老愧前聞付珠之二如少公寵貽佳什錦箋入手茅舍增輝伏惟某人粲然有文淵乎似道

夜雨對床之樂慕尚昔人青雲得路之誇鄙夷俗客獨  
有溪干之叟是為方外之交三萬之日無多常恐茶山  
老矣七十之年又四乃為放翁歌之

新潮州林通判

一男子之妾有愧蒙弧半刺史之賢特貽珠玉知心有  
此拍手歌之伏惟某官既吟煙雨以拂衣猶分風月而  
懷綬以數莖吟一字之手豈輕予人謂七十又四年之  
翁獨為愛友每加黼黻欲責蓬茅其感歲暮之交情豈

容錦卷愧陽春之寡和徒負金春

同安林丞

老慙初度坐挹五窮我有故人書馳一介絃此宮商之  
妙瑟兮弧矢之華伏惟某官筆掃煙雲胸藏冰露於藍  
田公事之暇不廢哦吟以茶山衲子之貧特相煖熱眷  
懷許篤歸興何濃謂官情已薄於秋光而交誼不忘於  
舊雨年相若也素為二仲之鄰吾有待耶擬尋九老之會

劉士仰

昨承華染承惠佳詞特為弧矢之華足仞金石之誼周  
年急景固慙斗牛之北辰西舍東隣豈無湜籍之畔去  
多情若此一感可知

新汀州黃教授

一辭而退臣之厚也廿日守於五窮十年之長兄以事  
之慕風流之二老字比蠅頭而更細詩吟鶴膝以尤工  
華比衰齡奇哉異稟伏惟某官浩然善養粲乎有文經  
師人師衆方求於指授形散神散獨自樂於逍遙同為

扶杖之翁尚記垂弧之日堪傳佳話曷稱高情放翁七十四年之詩歌而自慶廣成千二百歲之壽還以相期

劉智翁

小令嗣亦有詩

老愧蓬弧方學漁翁之獨釣君攜錦卷且聞驥子之誦詩舊雨高情陽春寡和聊供茅齋之湯餅共披薤葉之琳琅君家兄弟不可當誰肯雲龍之相逐帝鄉富貴非吾願但於猿鶴以申盟

鄭進士

人生貴是男老負蓬弧之志常時有此客久尋燈火之  
盟愁破今朝歌貽白雪奉槐淘而淺酌擊瓦缶以共歌  
六字語一字難愧莫酬於錦製去年人今年老且同醉  
於花枝

心游劉躋甫

老吾之老誰此日之肯來詩人之詩後數朝而猶至情  
知好我愧曷酬君伏惟某人超然心游久矣神悟鄙夷  
場屋恥為俗下之文笑傲煙霞真得吟中之趣貽半山



之絕句問少陵之殘年與鬼歌之徒有嘆辛齏之妙去  
人遠矣何由致湯餅之招

僧賀生日二首

門前問今朝之客能來者誰山中無歷日之人未忘此  
老掃除蔬笋演說蓬弧伏惟某僧了為僧心具論詩眼  
唱誰家曲從來自立宗風作牧護歌所得無非法要不  
嫌湯餅併為說貫花禪是九世臨濟孫雖論文章而何  
害添一日寒山子且聽鐘鼓以共飲

山中無厯日誰傳直斗之辰石上舊精蒐雅有吟風之  
興得無生忍頌不壞身伏惟某僧說洞山文字禪作無  
本推敲勢竹邊松下之思時出偶然句後聲前之機不言  
樂只悟三身之現化演六矢之因緣祖師直指單傳何  
妨遊戲父母未生一句便請證明

丁卯回生日啟

劉後村

老尋溪友方散髮以弄舟公念門人為倚聲而度曲馳

來錦卷增賁蓬弧共惟某官履上星辰手挾河漢了三  
麻九制之作笑把壺公殿兩朝諸老而留壽同柱史暫  
葆光明於晝眼不妨遊戲於文心口占佳詞意憐孤蹟  
以通神之要妙俾對客以誇張白雪和難虛辱最高樓  
之賜紅雲侍立但祈通明殿之歸

新漳州劉通判

浯溪聲叟老將至而不知斜川小坡交雖久而益敬華  
其蓬矢惠以色絲伏惟某官未駕題輿獨耽戲綵書無

不讀但資以為詩簫豈必吹乃倚之度曲唾成珠玉義  
篤金蘭欲令欸乃之聲中稍識鏗鏘於格外第慙衰老  
方參露地白之禪雖有童奴誰識滿江紅之調有孤絕  
唱徒感高懷

福清薛知縣

投竿野叟浪家瀟溪之濱製錦主人風格薛華之老情  
加弧矢曲度宮商共惟某官清名獨鶴之標廉取雙鳬  
之舄雨露司存之貴可但荷囊香煙消息之傳先聞箕箒

行驂鸞鳳猶顧蟾蜍紅心好手之才不妨戲詠赤脚無  
齒之婢誰識新腔

新潮州林通判

滄浪一釣舟誰念簞簞之叟別駕半刺史未忘金石之  
交惠以色絲華其蓬矢共惟某官袖中風月筆下煙雲  
難弟難兄遙想日吟之富舊雨今雨不為秋述之交拜  
手新腔彌襟厚感門前幾客肯為湯餅而來林下一人  
甚愧華箋之及

同安林縣丞

擊竹枯禪誰問蒲團之老哦松好友偶因草檄而來白  
髮舊情青燈共醉共惟某官在人賢者負余丞哉謂我  
鈴紙尾而書真堪一笑汝了詞頭而斥相顧兩窮昔焉  
嘗共於齏鹽今也何嫌於湯餅八家家百畝之井素託  
善鄰十章章四句之詩彌欽盛意

福清陳主簿

詠僕庸鼎

放鶴山人嘆垂弧之老矣棲鸞高士指古庸而賦之運

筆思工開緘喜溢伏惟某官廣寒有約矮屋暫留未忘  
先世之交欲作忘年之友謂彌明石鼎且勇索於倡酬  
元結窪尊亦自銘而誇許矧是名齋之器何妨託物之  
吟美其燥濕以不移侈以壽熾而見頌薦君清廟期為  
瑚璉之珍老我空村何足斗筭之算

福清趙縣尉

僕游鷗渚方思同谷之歌君立雞灘獨有倚樓之思乃  
為初揆特度新腔伏惟某官折桂詞科訪梅吏隱千詩百

賦退之曾許於專場三字六么賀老尤工於樂府情知好  
我語欲驚人青蘋蓑衣愧方尋於溪友紅牙拍板寧復  
有於雪兒

劉正奏

應旗

老憶垂弧之志薄似秋光騷吟古庸之詩華予歲晏雅  
知情重誰誚交窮伏惟某人讀西京太乙之書冠南皮  
七子之譽名香淡墨賦已壓於鄒枚諫字炳丹策將陳  
於晁董義深綈戀榮錫錦題第慙磯畔之苓簪曷稱毫



端之黼黻龜山景仁之宣哲擬既非倫元祐淳熙之舍  
人寧有此夢雖剥絨而愧矣聊擊缶以歌之鵠立門外  
之袍竚聽金胥之傳漏龍動硯中之影即聆玉陛之呼  
名

新衡陽趙主簿

昨嘗交訊擬一謝以尚遲茲辱貽箋有七言之雅詠記  
存初度訪問窮檐念冰翁之游從未忘疇曩出風人之  
比興特示殷懃爛然畫蠟名香侈矣書禽美醞擇其宜

而下拜感此意以難名有美棲鸞之仲措詞佳甚相與盟  
鷗之侶拍手歌之

劉達卿

號後坡

僕為茅隱誰下問於縣弧人正槐忙知高情之投筆此  
秋月華星之賜非去年今日之同伏惟某人亘如鵬鶚之  
橫秋却笑鯢鵬之擊水摩空作賦恥誇叉手之工入海  
留詩苦欲掉頭而去交情仍在厚誼可量為我品題及  
三丈之墜緒如君趣操宜千載以相期

石塘林子真

三徑交窮皆樵父  
芸童之侶小山吟  
富有梅兄樊弟之  
賢  
眷此衰慵歌以比興  
伏惟某人慕華陽仙之真逸為  
老泉氏之長公毛羣  
爭掉之時笑人炙手  
蟻戰方酣之日為我  
撚髭得此十章起而  
再拜八月棗十月稻  
未辨公堂之觥今年  
花去年人且飲君家  
之酒

石塘林子常

蓮葉舟操老我興思  
於濠叟梅花帖好少  
公吟妙於鄧

人笑指垂弧酣歌擊缶伏惟某人交親猿鶴才度驂留  
進士雖不學而能何足況我曲子豈可縛而住不靳予  
人一闕見貽兼金莫敵少陵飽飯但歌殘年長相見之  
詩白老坐吟剩有陽春高難和之愧

劉智翁

城東住處誰尋白傳之家門外交情兄異翟公之客念  
其寂寂示以拳拳七字論工真半山之絕句三丈得友  
勝子美之殘年

鄭進士

伏承華箋特賁初度吟散人之漁具世已相遺設廷尉之雀羅客有不去尚德哉若人也為詩者知道乎秋月雨章信獨工於鍛鍊陽春寡和愧難謝於瓊琚

劉子木

來日大難重有縣弧之感徒友益散僅存割席之交好我情殷令人愁破碧雲暮合何佳人之不來白雪調高嘆郢客之難和

劉士仰

學稼劉之亭名

判花老子視羅雀以知慙學稼故人指紱麟而過譽垂  
情八十老拜手十二詩湯餅薄持愧莫延於佳客濁醪  
妙理笑自酌之衰翁

回劉府教請講易

室祀三文齋延諸友高賢屈賁正期講道以吟風下問  
何謙若俾抗顏於吠雪袖華箋特枉顧指危坐許劇談  
揆此空疎間此歉怍峩冠昔日已見誦於窾言迂學衰

年宣足污於清聽知非所據愧不得當在浴談經子厚  
猶且撤虎皮而去登堂論易充宗豈無折鹿角之羞

賀余制叅

已巳

紀節椿齡秩筵蘭養調水嚼雪一翁如立於翠蓬橫卷  
弄琴雙鳳爭迎於紫帽喬梓共官游之至樂縉紳傳佳  
話以為夸某幸叨倚玉之榮遙致稱暢之慶鳴鸞何處列  
樽俎之佳賓舐犢有懷過茶湯之癡女輒效微芹之貢  
竚需召節之來

回余制叅

僕守黃冠破薇花之殘夢公游紫帽記蓬矢於今辰眷  
眷高情班班腆賜曷稱胎篋之意於昭倚玉之榮却之  
匪恭擇所宜拜錦鯨還客庶揆禮以少安駟騎造朝當  
望塵而言謝

賀徐帥開藩

明叔

璽書趣上金篆啓封戎壘晶輝元帥擁油幢之重藩條  
簡當老農扶藜杖而觀九扈日升八城雷動某老甘岑



寂喜入照臨禮盍貢於慶忱威忽傳於先令不敢過呼  
一字恐書吏之却回所期廣廕萬間幸故人之貽念深  
慙簡悅竊冀矜融

賀吳制使

革

疇浴紫橐雄建碧幢文昌六星光夙騰於魁斗長江千  
里身獨護於風雲勝勢益張真儒無敵共惟恕齋先生  
兩朝重望一代宗工試長才於蕃宣撫御之勞于中于  
外攄素學於論思獻納之從有德有言屬時遠圖付我

留鑰國之藩籬門戶坐制其全王之燾戟旌旗所分者  
半方叔之猷克壯子儀之壘驟明渥照乾坤膽寒夷敵  
竚究閼河之畧即專帷幄之籌某辱眷素深聞命增躍  
自去歲貢箋題之謝莫嗣寸忱以殘年為漁釣之游自  
甘遠屏蹟雖踈於訶候情實切於皈依庭別賀裾自嘆  
去人遠矣功成歸袞尚能為公賦之

余制叅招飲

寧馨疊慶屏攝告虔盛禮既成嘉筵斯秩重拜招呼

之寵深慚謁賀之稽於粢洒掃而無伐木之遺具知雅  
眷不以微薄而廢采蘋之禮自揆覲顏

行祖聘方氏書

男為之室合兩家二姓之懽祖及其孫締三世一門之  
好固惟情誼信亦夤緣令姪孫女箴訓有嚴夙成於德  
性長孫行祖簪裳是襲篤守於詩書已於少小之時有  
是綢繆之約留紫薇之舊藁擬付此兒問紅線之老人  
喜諧嘉耦


回黃丞請婚書

西掖陳人癡了子平之債東床得婿派由叔度而來二  
姓之歡一言以定令似將仕慶傳簪笏書猶珪於善和  
而其季女誠守衿顰訓粗門於內則既辱問名之禮茲  
承來聘之儀昔我祖曾門嘗託掄魁之契而君家明府  
亦有文字之交信自夙緣茲為永好

回郭通判婚書

同升同里知此志之素孚有子有孫偶其年之相若况

長者嘗語阿戎而喜則今焉宜有快婿之求問名既領  
於綵箋消吉重承於嘉聘論情可省執禮何勤已祇具  
於回儀庸仰酬於至意兩家緣熟幸諧鳴鳳之占一旦  
名成尚冀乘龍之早



竹溪膚齋十一藁續集卷十五

欽定四庫全書

集部

竹溪厲齋十一藁續集卷十六  
八

詳校官庶吉士<sub>臣</sub>李傅熊

主事<sub>臣</sub>呂雲棟覆勘

總校官知縣<sub>臣</sub>楊懋珩

校對官助教<sub>臣</sub>胡子襄

謄錄舉人<sub>臣</sub>李椿

欽定四庫全書

竹溪厲齋十一藁續集卷十六

宋 林希逸 撰

戊辰回生日啟

劉後村

老費招麾笑多生之宿業親無補報慙初度之嘉名高  
情敢冀於宗工佳句特華於野叟此蓋某官聖時鳴鳳  
學海老龍北門西掖之文藁傳萬首南窓東臯之詠口

授諸郎以游戲之餘間示矜存之厚意兩章秋月喜擊  
缶以長歌一朵紅雲佇安車而入對所期雅拜庶竭謝  
忱

余制叅

師魯

老子斑衣空記母前之樂山人朱紱正歆洛下之游塵  
埃誰省於蓬弧華纈特勤於葭玉謙貽珍染侈賜縟儀  
有慙樗櫟之姿曷稱椿松之頌聊為湯餅喜兒女之團  
樂佇輅朝軒盡親戚之情話率然稟謝幸甚原融



劉架閣

強甫

樵風涇之陳人貧無湯餅金耀門之召客寵有錦箋拜  
手欣欣奪目粲粲伏惟某官傳後村翁之印乘半刺史  
之車父老攀轅正歌喧於霞嶼文書盈閣乃詔入於日  
畿念寂寞之蓬弧特殷勤而黼黻是為雅頌之亞也盍  
此夔鳴安得羊何共和之第慙島瘦亟抒謝悃切幸深

原

興化蕭教授

笠澤散人老守犁鋤之業芹宮博士記存弧矢之辰犀  
騎遠臨雀羅驚散伏惟某官學窮聖域身為人師五七  
字如彈丸工於鍛鍊八九椽居老衲辱此品題欽歎高  
情持誇鄰叟自念不神之牛斗寂寂笑人安得共和之  
羊何蹲蹲舞我率然奉謝幸甚昭融

石塘林子真

以九龍  
山命意

我非一佛夙慙花掖之居君賦九龍取譬雪山之老拊  
殘年而易感拜妙語以增羞伏惟某人心雖樂以自修

名欲逃而不得刺史部刺史共騰噓送之章中書令中  
書已上褒嘉之奏方需異寵猶念舊交黼黻蓬弧鏗鏘  
律呂竒哉所作莊騷太史下同工顧此欲聞父母未生  
前一句

石塘林子常

大方家之笑我老費招麾小孤山之故人多情繾綣記  
存初度賁惠佳篇伏惟某人以一郗之長才慕兩龔之  
雅操鄙夷場屋笑傲林泉君鳴仲氏之簞何殊伯氏世

寶長公之集寧舍少公方騰當世之盛名猶念衰翁之  
遜迹有客慙無湯餅愧此交情伊誰直得金蓮奇哉好  
語愧云多矣還以奉之

伊誰直得金蓮來詞云

劉達卿

號後坡

前度表郎愧久收於朝跡後坡詩友愛尤篤於衰齡侈  
以高吟華其初度伏惟某人鄙夷場屋笑傲林泉君唾  
成珠素誇吟於汝伯僕腸無錦幾見殺於世人胡為膠  
漆之投不忘弧矢之陋自念不神之牛斗曷稱錦篇安

得共和之羊何徒知珍襲率然奉謝幸甚深原

福清薛宰

孤山和靖方耽放鶴之游王所居州已趣飛鳧之覲情  
存膠漆問及蓬弧伏惟某官胃抱一和政紀三異裝懷  
牒訴何嘗輟單父之琴學道絃歌又喜度相公之曲顧  
慚絳老獲預堅民衰年幸棠蔭之依每歲有錦箋之賜  
先生庭戶誇示里閭秋月華星愧殷勤而好我明年今  
日須展翫以懷人

薛宰劄

昨承答誨方佩謙隆茲被華緘益昭眷渥記陳人之初  
度專盛使以遠臨侈賜緡儀光生茅宇瑞鶴仙之高妙  
允叶宮商祝雞翁之酸寒豈堪黼黻已修謝啟載瀝寸  
忱莫究願言切丐寬亮

劉躔甫

天游劉  
之樓名

我歌菴小徒叅水觀之禪君好樓居獨有天游之樂故  
人情重誕日書來伏惟某人苦學如甘愛詩成癖念五

窮之莫送賦十首以相貽開緘赧然擊缶詠只聲名官  
職知合受於折磨富貴子孫恐俱難於擘畫

富貴功名  
堪擘畫最

難擘畫子孫  
賢劉詩也

黃汀教

龍應年八  
十七笑

僕誦子平之易自樂一貧公守伏生之書只爭三歲眷  
眷兩卿之二老鏗鏗初度之七言共惟某官經師人師  
意散形散龜手之方奇秘久已韜藏蠅頭之字傾欬不  
妨吟詠念其岑寂侈此賁存卜鄰雖慕於羊求所嗟遠

矣敵已愧非於元白何以和之

丘司理

得一山丘之樓名

開三徑以鄰居託翁舊好得一山之友愛華我殘年揆  
初度兮作是詩也伏惟某官稱梅讀富擢桂文工鍛鍊  
功深盡吟家之三昧交游情重念散地之一寒欲黼黻  
於縣弧出珠璣於銜袖勾牽花社青雲已暢於前涂題  
寄草堂明年未知在何處

將到選

同安林縣丞

鍾



我慚視草分甘老於釣舟君厭哦松喜歸調於樂府多情眷眷妙語鏗鏘伏惟某官學館文章之稱南州廉白之譽探三文之脈絡同出一門擅二老之風流共居三徑常時和卷初度佳篇聲韻高低知行雲之可遏舞歌凌亂顧明月之長圓

己巳回生日啟

潮陽林通判式之

僕開蔣翊徑之三老尋鶴伴君刺昌黎州之半時寄鴈

書念蓬矢之塵埃度瑰詞而黼黻伏惟某官興存風月  
操比冰霜視公如龍雖鱗魚而可訓為王市駿知騏驥  
之難留身將致於青雲交未忘於舊雨飯猶可飽苟樂  
我之殘年幣不必將已感君之厚意莫修瓊報輒奉錦  
還

福清葉知縣

忠正

僕意玄都觀裏曾為桃吟君來佛地位中乃通花譜喜  
其負未問以垂弧共惟某官其仁滿腔於書具眼愛民

如子素存一念之慈許我納交殊勝十年之讀方相尋  
於茅舍又招致以玳筵矧憐岑寂之餘尤侈鏗錫之作  
揆情過矣拜手歌之潦倒何堪私有滕國受廛之喜窮  
通素定已見孩兒墮地之時言謝既稽不工可愧

前同安丞林通直

鍾

門方羅雀伊誰籠鵠而來客有緋魚惠我紱麟之頌多  
情眷眷再拜章章伏惟某官出哦斯立之松歸愛淵明  
之菊嘆朱紱平生之負無羨於時賦黃絹外孫之詞欲

華其友開絨喜甚擊缶歌之僕似香山笑一翁憔悴君  
如子美成二老風流率爾稟訓幸甚涵亮

新德化方簿

晉

遺羹而我獨無方有穎封人之感讀書不如一詣正思  
習主簿之賢荷君多情惠我好語茲蓋某官家世麟臺  
之學丰姿蟬井之仙才名三十年夙稱師匠扶搖九萬  
里合快鵬程尚憐衰白之蹤肯借勾朱之筆作此詩也  
相期欲比於椿松何以報之自揆有慙於樛櫟

新建安徐山長

端衡

漁隱淒涼之士老愧飢吟龍飛魁亞之英名香次榜多情厚眷初度增華敬惟某官文擅衆長學參諸老作乃祖釣磯公之賦何減吳融讀外家父軒氏之書有如楊惲方將坐臯比而講乃肯為蓬矢以吟君游紫陽之故鄉自此升矣僕置青雲之舊事還以祝之言謝有稽不

工可愧

青雲舊事空五  
寫一漁翁白詩

新永春劉尉

肩吾

白首來歸空憶紫微之伴青雲早達猶為黃綬之官落  
落於時拳拳此老伏惟某官文成家數學有宗師更生  
猷畝之忠已攄對策禹錫文章之力合演綸言尚憐臭  
味之投特賁蓬弧之陋百千萬劫之郭老笑多魔二十  
六韻之詩心慙好我亟茲敷謝幸甚昭融

百千萬劫  
郭白詩

新徽州丘知錄 應甲

杜陵野客之家誰來剝啄退菴年兄之子酷喜推敲問  
訊垂弧殷勤按拍伏惟某官青雲望重舊雨情濃道來

不來正俟朱絲參軍之直所美非美乃貽黃絹幼婦之  
詞拜手欽承過情自恥甚矣吾衰矣甘為白氏之漁翁  
知之者好之有忝致光之曲子率然敷謝切幾原融

海口翁監鎮

應星翠浪玉虹鎮中  
亭名浩堂中書之弟

竹籬茅舍笑老我之無心翠浪玉虹知吟仙之得趣即  
牙籌之餘暇為蓬矢以增華伏惟某官二難之譽俱高  
少公之思尤老吟風弄月精微獨探於程書積雪熬波  
橫寫更工於晉問莫甚相知之樂竭來俾壽之詞拜手

承之過情多矣永嘉四子君真得於詩靈元和一翁僕  
有慙於才退曷訓雅意切幾深原

福清趙尉

宗溥

我非指李之珥其生也晚君似倚樓之趙所樂者吟咳  
唾珠璣問訊弧矢伏惟某官稟雙龍之氣擅孤羆之才  
以文自名讀書有傳東南一尉久得譽於閩中臺省諸  
公爭欲致之門下佇集觚稜之鶚猶憐沙渚之鷗白雪  
陽春深有慙於寡和青雲異日諒不至於相忘



石塘林子真

同

山頭老漢談入吾宗谷口子真名為君字共耽禪隱不  
厭衰殘伏惟某人傳文隱之珠得後村之印至道唯嫌  
決擇精通向上之機正句不涉思惟真得吟中之樂淒  
其孤矢調以宮商一日百盃況有君家之酒十章四句  
長歌好友之詩何感如之言謝淺矣

石塘林子常

合

杜陵野客誰肯共於襟期蘇氏少公情有加於兄弟揆

予初度惠我好音伏惟某人冒著千年筆通三昧小山  
小陸小謝比漢晉以來名家今年今夏今秋有秦黃而  
上句法因暇時而遊戲為晚節之光華雲南雲北之往  
來僅存者我月蓬月山之期許先驗於君

今年今夏今秋月蓬月山

二相士皆  
詞中語

新平江吳江縣張主學

松年建寧人

學士為漁守白石清泉之約可人寄鴈自丹山碧水而  
來問訊蓬弧輝華篇翰伏惟某官早馳文譽晚上奏篇

將尋花縣諸生坐虎皮而講猶念竹溪遺老忍龍具之  
寒不靳殷勤特相煖熱七言八句知獨行於苦吟三揖  
五窮相與歌而拍手

劉躔甫

翼號  
心游

孩兒墜地已知分劑之嚴稚子候門自喜歸來之久心  
游高誼意愛衰蹤伏惟某人學有所傳吟得其趣讀武  
成二三冊雖少必精錄唐人五七言既多不厭功已成  
於四鍊惠乃及於左弧老不相忘獨名家之翁季少嘗

共學實異姓之弟兄愧此多情何以言謝

劉士仰

更逮

孩兒分劑定於墜地之時賓客交情陋矣署門之見多  
慙親故獨為吟哦伏惟某人霽月宵懷薄雲襟誼譜牒  
自建威而下猶有遺風祖父得樂軒之傳常如一日久  
篤葭莩之好不遺弧矢之辰老子形骸敢羨椿松之祝  
君家翁季信為金石之交

劉達卿

求志自  
號後坡

前朝學士老甘退以為漁後坡故人詞獨工於吐鳳揆予初度惠我好音伏惟某人才度驂騑之前聲橫鵬鷃而上少陵三賦信妙手之優為晦翁四書猶究心於未竟常年此日念念不忘秋月華星字字俱到多情若此一感云何語我兒孫宜襲藏而毋斁如君翁季尚遠大以相期率爾奉訓幸甚加亮

黃掌祠

君遇允文先生之後

三徑就荒之老與世無緣羣經辨惑之家有人好我肯

貽善頌來畀衰齡伏惟某人學得親傳文宜世用謂乃  
祖有春秋之學竊嘗窺斑訪鄙夫於泉石之間相逢握  
手納交自此拜賜以之門左垂弧有愧過情之曲子溪  
干守釣何由上謁於涓人莫究謝忱切祈深亮

林強父

麟

白髮簪簪之老即唐漁翁青衿筆硯之交皆周髦士為  
吾同姓祈我高年伏惟某人獨工於文所好者古畫毫  
端之巧可但原夫一兩聯厭紙上之聞欲從某也二三

子因佳句法如何之問有殘年長相見之情可觀可興  
可羣詩差難而詞易俾熾俾昌俾壽事雖熟而語佳廣  
而充之用不窮矣

俾熾俾昌俾壽來詞結語

方持叟

名德化  
薄之子

僕解朝衣稱前進士君傳家學似小東坡不以老而見  
踈為此詩以相好伏惟某人擅場才俊跨竈譽高聖處  
自知可但一兩聯之消息班頭獨拜佇看三千字之縱  
橫以其納交翁季之間乃有俾我期頤之祝愛兄曲子

堪為時輩之秦黃愧我釣翁惜不早師於邴鄭

方帝臣

時舉次雲  
正字之後

僕友漁磯之叟方葺蓑衣君祖麟臺之賢獨傳書卷揆  
予初度惠我好音伏惟某人富以才名篤於交舊謂鵬  
鳩相笑何大年小年之足云使牛斗能神豈善名惡名  
之無別衆方嗤謂我為褒揚二滿三平不妨老吾之老  
十章四句所謂詩人之詩何以奉訓切幾加亮

劉智翁

貴活安  
溪之客



茅舍玉堂衆笑無心之老藍溪琴室多情握手之交問  
訊垂弧沉吟擊節伏惟某人潛心者理得趣於書大年  
小年讀南華而縱論昨日今日呼太白以欲飛愛此衰  
翁寄之曲子君多好語信有似於天生我不中書乃浪  
云於物出自知不稱欲謝伊何

礬山照老

佛有三三之衆邇日何如仙開七七之花吾年相若多  
情禪友問訊陽人茲蓋某僧久坐蒲團屢拋杓柄七言

雖妙不入半山之宗五葉相傳獨得少林之髓心心相  
似歲歲如然曹為分派後五家許儂參遍父母未生前  
一句為我道來

賀陳倉

績最錄屏恩榮司庾日邊遣使九重所急者周咨境上  
爭公七聚共嗟於來晚車音至只輿誦欣然共惟某官  
一代名流兩朝異眷明道伊川之學問共得其傳司馬  
景仁之弟兄不同者姓自登朝黼黻歷儒紳是姑為本

色之官便合峻緊頭之武青綾夜直方膺賜筆之榮皂  
蓋春生雅意凝香之樂惟時歛散屬意選攜需章屢上  
以苦辭催詔幾頌而勉就丹山碧水暫誇刺史之勝游  
黃閣紫樞竚續公家之補處某向竊窺於綸綍今幸託  
於幘幪迹安猿鶴之交心懷燕雀之賀識何蕃於六館  
况忝諸生笑香山之一翁尚憐遺老

回徐帥送開藩折送及菊節

為農負耒方依南國之碧幢遣使貽絨肯問東籬之黃

菊有華異眷猥及寒蹤憐其賒酒之貧侈此卷俎之賜  
秩初筵而僊舞莫預衆歡倩傍人以整冠但知亟拜難  
名磯感切丐監融

竹溪盧齋十一藁續集卷十六

欽定四庫全書

竹溪廬齋十一藁續集卷十七

宋 林希逸 撰

省題詩

文字飲

我問揚雄字君評李嶠文劇談聊詡詡對飲盡醺醺筆  
落三千首盃浮一百分醉吟唐學士酒頌晉叅軍良夜  
邀明月他年憶暮雲獨醒憐楚客悲怨托湘君

食見堯於羹

隱几看堯典身慙不並生道如知所味食亦見於羹飽  
學寧求飽精思不厭精垂衣雖已遠失筋恍然驚端坐  
如吁咈忘飢在服行鹽梅思致主說不愧阿衡

枯木半龍鱗

枯木奇如許空山閱幾春千尋依鳥道一半是龍鱗  
硎真如石扶持果有神雪猶留敗甲雲不露全身藤比  
髯尤老根疑爪欲伸竚看雷雨夜一躍到天津

弔青塚

誰弔千年塚芳魂喚不醒雪連沙外白春帶塞南青一  
酹嗟何及重泉恨莫扃花曾辭漢苑草不似邊庭妾死  
匈奴在風悲壯士經遙憐斑竹淚鼓瑟和湘靈

野菜飛黃蝶

古竹疎籬畔無人采自長雙飛蝴蝶好一樣野花黃簇  
簇青無數翩翩意欲狂色鮮凝曉露翅薄弄朝陽正擬  
和根拔因憐戀葉忙今宵須夢化隨逐過山牆

刻燭

玉筍班頭客文章絕代奇奉璋陪內宴刻燭賦新詩指  
認紅蓮影安排麗藻辭絕嫌痕已迫只恐句來遲花燼  
將殘處宮袍欲奪時寵榮歸佩晚金炬出天墀

高議排金門

立箇黃金馬君黃第幾門伊人來草莽高議動乾坤勁  
氣層雲上孤忠一縷存未通青瑣籍先獻白衣言只為  
豺狼怒那知虎豹尊客星如入兆昨夜在天閭



潮回日射星

有底平沙上輝輝不暫停潮回陰未夕日射燦如星落  
水歸何處斜陽照遠汀浮光看閃閃散地見熒熒擬泛  
槎尋石知非草化螢晚來河漢白漁火滿滄溟

離憂忽浩然

只有片時留離觴肯計籌知渠因底別使我浩然憂握  
手看成夢多情種得愁征帆天共遠羈恨水俱流明日  
非今日杭州定越州慙慙無別祝切莫斷書郵

星有好雨

視夜幾回興濃雲潑未停無端常苦雨作好果何星有  
爛參之左于嗟月又經何心長霖霖拜手問蒼冥咨暑  
能無怨呼天孰與聽或云旗伐動陰暄為兵刑

至朔同日

至乃陽生節常居子月中計年章在即是日朔應同一  
葉堦賞長飛灰嶰管通元來初吉旦恰是六陰終料得  
雲書際還嗟餽禮隆如何太初歷辛巳謾求工

竹林七賢

賞靜偏憐竹宜人況有林七賢同遠趣千載有遺音避  
俗來深處披衣卧綠陰玉人三四輩風籜短長吟翠入  
劉伶酒聲隨叔夜琴溪干唐六逸先後許論心

一字買堪貧

獨妙如掾手誇傳品入神千金猶莫買一字實堪貧玉  
柱多誰得銀鈎少自珍願求三折筆甘作屢空人但喜  
蕭齋玩寧憂范甌塵療飢那欲煮吟苦謾酸辛

山光悅鳥性

細大皆天性逍遙宇宙間山光非為鳥鳥悅自因山曉  
日浮青嶂春雲影翠鬟物情如有識樂意自相關疎客  
陰俱好飛鳴態自閒夕陽歸翅急應是倦知還

呼兒問煮魚

有客過茅宇停盃待煮魚向兒呼不已為我問何如驥  
子振衣至校人授手初叮嚀凡再四烹割勿躊躇正起  
羹鱸興因看遺鯉書團欒陪父執更欲採園蔬

白鳥去邊明

燕外絲方捲明開若箇邊  
癡雲留片片白鳥去翩翩  
雨後霜毛濕風前雪翅鮮  
雙飛向何處一半是晴天  
乍息鳩鳴埵還歸鶴避煙  
須臾陰靄盡烏遶月娟娟

松子僧前落

野迥無人迹長松不計年  
隨風飄子下竟日落僧前  
葉暗丹誰化根枯石共堅  
時敲經夾響匹似數珠圓  
味美忘齋久聲輕入定便  
時看童行戲爭把柳絲穿

月靜庾公樓

明月今宵好曾經照庾公登樓當靜夜懷古對秋風飛  
鏡綠空上危簷映水中胡床無恙否岸幘為誰雄老子  
今何在寒光昔亦同清談孤此景白髮向江東

星垂平野闊

良夜空如洗凭欄一望平星垂因野濶野淨見星明點  
點光疑墜熒熒勢半傾天低連岸遠地盡看參橫水迥  
過時白雲收撒夜清銀河今咫尺我欲泛槎行

風破寒江遲

倚棹吟將息江神聽亦癡陰猶凝未散風欲破應遲颯  
颯聲雖急冥冥霧莫披淩波疑有物到曉尚多時空使  
蜚廉怒翻令帝子悲沉湘人在否喚起賦椒籬

剪燭話巴雨

不負西窗約相逢剪燭花驚心如一夢對雨話三巴蠟  
燭愁頻落關雲嘆舊遮昔曾留劍外今却指天涯江遠  
談何劇風搖影屢斜從今須惜別邀月醉流霞

飛星過水白

良夜步郊垌飛看過水星四垂青漠漠一點白熒熒瑞  
彩浮蓮渚流光渡蓼汀不應天共轉恍若月初經錯認  
珠生蚌還疑草化螢須臾雲半黑漁火箇邊青

赤壁走曹操

往事思塵迹周郎走魏曹長江幾爭戰萬古一英豪亂  
石吹飛雪蒙衝破巨濤笑談成一快姓字信孤高賸擬  
投鞭渡誰知捲甲逃江山如昔日北望首空搔



拾穗許村童

拂拂新涼入家家獲稻同參差多滯穗收拾許村童滿  
地禾頻落憐渠管尚空少多從汝得小大共年豐挈負  
歸茅宇歡呼謝主翁晚來炊飯飽牛笛弄松風

石鼎聯句

漫浪有詩仙相逢藥竈邊鼎存嗟石古句巧似珠聯筆  
力扛何健雲根斲許圓倡酬皆敲手摸寫聳吟肩何日  
丹同舐寒更墨共研和羹應待我膚載入虞絃

歸人爭渡喧

野外炊煙起沙邊帶日明  
歸村人合遝問渡晚喧爭  
暝色催行客長江阻去程  
帆輕斜照影語雜遠聞聲  
隔岸招尤急棲鴉過亦鳴  
茅簷何處是兒女想相迎

月色不可掃

此夜一輪滿騷情不奈秋月非  
人可掃人與月俱愁素魄憑誰問  
寒光為底留擬隨風葉去還似雪花浮  
竹影搖仍在波明散未收  
嫦娥如戲我移照讀書樓

又

皓色一輪滿  
吟看獨倚樓  
伊誰能掃月  
使我不悲秋  
處處寒光共  
娟娟素魄浮  
竹知空弄影  
幕豈解驅愁  
露重應徒灑  
雲行却暫收  
誰疑門外雪  
謾欲課蒼頭

天際識歸舟

日夕思天際  
悠悠半掩扉  
扁舟緣底急  
注目識君歸  
帆外殘鴉去  
雲邊一葉飛  
立須蘭棹至  
細認藁砧非  
僂指思江路  
牽兒上釣磯  
入門相勞問  
賒酒趁鱸肥

飲酒拜浪婆

對飲敲銅斗聲聲應浩歌頻斟江上酒亟拜浪中婆深  
淺傾浮蟻低回舞短蓑白頭高似屋素韞想凌波江遠  
如神在盃長奈我何却憐獨醒客憔悴賦湘娥

鶴引洗衣僧

獨捲袈裟去禪房半掩扉僧行隨鶴影鶴引洗衣僧振  
翼尋仙路牽裳上釣磯老緇輕濯濯白鳥亦依依澣滌  
元無垢叮嚀莫浪飛茶煙休更避相伴月中歸

新詩改自吟

酷愛驚人語詩壇獨苦心吟成還自改改罷又長吟四  
鍊傳誰法雙聲豈古音筆塗隨句定髭撚用功深過眼  
疵難掩支頤吻欲噤身輕少陵集商摧到於今

秋水清無底

倚杖臨秋水微茫一派平極深不知底獨照有餘清一  
色兼天淨千尋似鑑明誰能冰下語為探地中行月動  
無移石雲飛落止泓滄浪佳興動可以濯吾纓

山鳥暮過庭

試柱看山笏新詩得自哦空庭人不到日暮鳥時過遠  
岫呼雛急斜陽接翅多瞥看窻外影爭認柳邊窠散帙  
隨吾意喧簷奈汝何須更林鵲噪袞袞見金波

杓攜龍角

帝幹璇杓處雲高隔幾重自天攜左角出地見青龍碧  
漢方回柄蒼精恰露容舉頭看斗指驤首覺雲從西揭  
殊春候東騎驗尾蹤韓門人所仰直欲折充宗

山村人暮歸

點點殘鴉過孤村帶落暉籬邊聞犬吠山下有人歸遠  
岫連芳塢長林遶翠微雲深認茅屋風細颺征衣樵唱  
同尋徑猿驚為扣扉夜深燈火下兒女共依依

挂席上南斗

挂席幾千里飄飄向極南昂頭驚斗近舉袖與雲參海  
濶天光入帆輕水影涵前瞻依宿六回望迫台三恰似  
槎星渚應殊釣月潭若非吟膽壯高處亦難堪

翁踏孤舟立

江遠孤舟小悠悠避世翁望中留夕照立處倚秋風一  
葉煙波釣千莖雪鬢蓬短衣難掩骭獨棹似浮空人影  
檣鳥並生涯宿鴈同得魚隨酒醉卧荻蘆中

同前

一葉孤舟小生涯在釣筒羣飛看鴈陣獨立是漁翁浪  
與頭俱白顏因酒暫紅片帆煙渚外瘦影夕陽中蓬鬢  
千莖雪蘆花兩岸風烹鱸吹荻火隔岸呼兒童



屋上烏亦好

我訪山家友遙看屋上烏不知何事好所愛與人俱竹  
外參差瓦簷間八九雛只應交繾綣却喜汝喧呼誰賦  
牙高咏因吟尾畢逋待令鷗可狎物我兩俱無

蘓武歸漢

仗節來歸漢麒麟萬古圖艱難曾使虜慷慨有臣蘇鴈  
信傳何有旄殘齧已無拜恩趨鳳闕揮涕憶龍湖日月  
依新主風沙失故吾一官纔屬國攬卷為嗟吁

龍馬負圖

八卦將呈露天寧秘此圖出因龍馬負瑞與鳳麟殊八尺非常種千年有此駒皇穹開易象綠字見珍符鳥跡文非比龜疇數亦俱渥注何足詠誰復羨西都

不寢聽金鑰

不寢因何事囊封奏帝庭銅壺猶未歇金鑰故頻聽憂國長無寐懷忠我獨醒魚關頻借問鳳闕想猶扃珂傘依殘月觚稜帶曉星須臾看鵲立袖惹御爐馨

鳥影度寒塘

一段秋容好丹青欲畫難塘幽塵不到鳥度影偏寒何處尋窠去行人瞥眼看雲間尋舊侶水底見飛翰鷗訝隨波沒鵬思擊水搏佳人遙望處誤指鏡中鸞

雲霄一雨毛

自起南陽卧軒然志氣飄三分嗟漢業一羽在雲霄健翻凌星漢孤忠翼聖朝羣雄爭逐鹿百鷺不如鷗垂翅應嗤異凌煙未許喬出師雖未捷萬古想高標

同心言如蘭

金石同心好言言可起予紉蘭應足比伐木義何如懔  
慨輸情久芬芳入室初諾能為一布佩不必三閭椒  
能欺我松梅合友渠銜盃時對飲冷淡共園蔬

園棊看驛書

驛騎軍書到風流相國知淮淝千載事實主一枰棊敵  
手無遺算名家有此兒我方分黑白渠亦決雄雌局外  
人人喜邊頭著著奇爛柯翁在否還笑世人癡

兒去看魚筍

兒去出茅廬攜筇遠見渠行隨溪畔鶴看取筍中魚童  
穉喧呼至苓筍整頓初餌寒知不食甬少問何如穿柳  
呼爺笑編蒲怪僕疎荻蘆吹火罷賒酒徧鄰居

賜鏡湖一曲

拜賜歸湖曲生涯只此湖三韓雲不遠一鏡月同孤天  
語書黃誥波光照白鬚柴扉當鴈鷺采地即菰蒲殿下  
投箋乞波間弄槳娛不妨眠井底醉入八仙圖

卷十七  
玉斧修成月

我問青天月如何缺又生冰輪看碾去玉斧想修成晚  
視柯誰執傳聞璞孰名元功無此巧素魄豈能盈兔向  
圓時搗蟾因琢夜驚廣寒八萬戶技與女媧爭

杜宇呼名語

叫盡三巴月淒涼杜宇聲今人誰與語故主自呼名啼  
血嗟何意前身恨未平轉喉曾有諱弄舌似猶生姓字  
諸禽識君臣易世輕提壺無意緒醉魄謾飛鳴

漁村晚照

自得江湖趣生涯樂在漁孤村多晚景落照映荒居近  
水高低岸誅茅八九廬舟橫人語近網漏夕陽疎倚棹  
看歸鴈呼兒促煮魚脫蓑眠漸穩寒月動江虛

夫子牆數仞

劍佩隨夫子傾心一瓣香四科分等級數仞嘆宮牆我  
正勞鑽仰人惟較短長可窺憐子貢欲倚愧蒙莊步步  
瞠吾後巍巍藐藐彼堂傳心因坐見三聖遠相望

勇士赴敵場

士有非常勇堂堂赴敵場聽琴何比象屬意在軒昂觸  
手聲何怒推床興欲狂廣陵無散卒易水有剛腸劍客  
休誇說桐君為發揚聞絃心有感解使懦夫強

晚涼看洗馬

倚杖試徜徉幽看野興長歸鴉凌薄晚洗馬就微涼落  
日明蘋渚輕風拂柳塘遙觀千頃雪靜滌四蹄霜噴沫  
隨流水搖駿灑夕陽塵纓應可濯濶步逐飛黃



封比干墓

埋恨非埋骨生前怨不逢比干猶有墓周室今增封一  
死身奚惜孤忠憤所鍾清朝加顯澤終古誌遺蹤寵辱  
嗟何意興亡記所從誰甘遊地下攀檻敢嬰龍

雨後過畦潤

雨後思花信相過欵杖藜翠明開曉嶂綠潤遍春畦燕  
外絲方捲鷗邊霧尚低貪看蔬長甲不覺屐粘泥草挾  
餘陰漲苗分秀色齊時逢原上客大半話耕犁

機舂潺湲力

機事嗟何巧空村不住舂潺湲因借力俯仰若為容盡  
日勞雙杵疏泉隔幾峰無人長軋軋助我為淙淙碓下  
僧長喜溪邊婦亦慵香厨炊已辨時倩野雲封

池水觀為政

筆落冰人語霜凝照夜姿平心長似水觀政可於池即  
彼按藍處看渠据案時清能見肝膽燭可但鬚眉泥濁  
廉何有泉貪飲自知笑他渾數尺誰道是吾師

水中有行車

野水云何涸咨嗟為久晴昔曾移艇去今見有車行石  
已磷磷白流無脈脈生不愁濡轡度只恐細魚驚寧復  
滄洲興空餘野渡名秋霖看拍岸還聽棹歌聲

買木帶巢烏

買木為新居詩翁德不孤巧當三畝宅帶得一巢烏羞  
澁無多費槎牙已半枯却憐棲鵲在還識主人無不入  
山家券應添畫史圖從今屋上好來往聽相呼

月疑照顏色

苦憶君顏色歸期未有期  
好風吹夢斷明月使人疑  
對影三人共懷賢萬里悲  
徘徊如欲舞恍惚與論詩  
蝶化憑誰詰蟾留訝我癡  
暮雲樽酒在只恐見無時

買石得雲饒

自笑生涯拙天公意贈君  
買來千載石饒得四時雲  
禿筆書新券蒼苔帶舊紋  
眼前長秀潤分外是氤氲  
定價元非玉宜貧可當熏  
時哉為雨去利與世均分

柳影不礙舟

長短堤邊柳波流影不流渾如低倚岸却不礙行舟水  
漾千絲亂風吹一葉浮輕搖蘭槳過攪碎綠陰不似帶  
牆頭燕如縈鏡裏鷗那堪南浦別明暗兩牽愁

榴花照眼明

惜花愁滿眼倚杖慶新晴綠幄連天暗紅榴照我明  
感中迎日吐剪錦亞風輕一見眇昏失多疑醉纈生  
捫鬚詩欲就覲面興偏清却笑醅醅後看朱碧已成

龍躍天衢

頭角驚人世如龍乍躍淵身隨三月浪衢在九重天雲  
起方成陸雷驅正急鞭戰鱗飛百萬怒爪擊三千赤水  
神何照蒼精角有躔堪嗤時俗眼空向壁間傳

開冰

仲月鶯花半朝家已薦冰馳來金駟裏開此玉稜層冷  
逼茅簷透光從凌室騰滿盤爭雪瑩照眼訝霜凝九廟  
親祠舉羣工祿賜膺愛君推托諷履薄願兢兢

山有仙則名

試柱看山笏令人興灑然誇名驚俗眼知道有神仙勝  
地棲丹客蒼崖比洞天烟霞無此輩方冊不應傳柯爛  
今何處簫鳴若箇邊舊聞終縹緲何似竹林賢

竹溪鬳齋十一葉續集卷十七



欽定四庫全書

竹溪鬳齋十一藁續集卷十八

宋 林希逸 撰

省題詩

為麥祈實

麥事家家作宸旒軫意微無虛民所望為實我先祈見  
白欣輿誦煩黃屈袞衣要他春日飽莫使歛時稀餅餌  
香深覬牲薦必肥禮成農共慶加額對龍旂

雲臺圖功臣

四七紛紜後慙慙帝念功千雲臺百尺依日漢羣公棲  
爵侵霄漢揮毫萃畫工位分勲次第像列壁西東貌寫  
丹青裏名垂竹帛中凌煙生面筆人物古今同

攜手升玉階

堯玉成階祀天顏去幾層彈冠酬素願攜手盡同升得  
侶欣交臂伊誰恨折肱龍墀看密邇鷁武接飛騰已慶  
天街肅行須揆路登朝回花底散袖滿御香凝

猷畝不忘君

君幸逢堯舜孤忠豈敢忘身雖居猷畝志亦在巖廊草  
野棲身久釣天去夢長煙霞雖自樂日月願依光炙背  
當如甫披裘莫學光此生名未立金馬進封囊

落日見漁樵

落日誰橫笛江村一望遙喧喧歸鳥雀得得見漁樵薄  
暮舒愁眼斜暉帶遠潮依灘綸在手出谷斧橫腰歌罷  
尋歸徑影行先度橋兩翁山水趣應未羨金貂

看碑不下驢

寺古碑猶在塵埃半已漫騎驢應懶下逐字細吟看鉤  
畫雕鐫古蟲魚辨識難停鞭欹帽立緩轡聳肩寒應笑  
修明字還如援據鞍歸吟風掠耳影瘦夕陽殘

梅花疑是君

欲訪春消息寒花昨夜開思君如在眼使我亦疑梅藥  
冷於人意窻開露粉腮欲同渠索笑還似子歸來蘭室  
因香訝冰肌助我猜一枝聊寄與何日共持盃

身玉要俱捐

壯節將全趙威風直挫秦若令空授玉寧用復還身此  
璧瑕何有伊人氣愈噴頭寧同碎柱節不可欺臣大義  
千鈞重微軀一羽均後來誰慕蘭盛節獨嶙峋

清邊生戰場

已洗天河甲邊清國愈強誰生今日釁戰似古沙場不  
見狼烟久俄驚鴈塞荒風悲苔染血月射骨如霜榆柳  
依然好干戈有底忙李華真健筆弔古思淒涼

勒石紀漢德

班字韻

稽落功成後將軍勒石還輝華  
天子德姓字漢臣班篆  
刻千年績鐫磨萬里山勲名沙幕外歲月永元間  
頌筆  
嗟何古胡弓孰敢彎  
龍墀歸拜日稱壽動天顏

雲逐度溪風

拂面微風動輕雲過遠堤  
飛飛無定跡逐逐度前溪  
望斷江東暮生從舍北泥  
但隨蘋末起還傍蓼花低  
白映清波影紅看孤鷺齊  
似迷歸去路漠漠自東西

蒼隼護巢歸

蒼隼當秋日風高萬里飛忽看孤影過因護舊巢歸  
刷翮搏雲漢翻身度野扉雖飢方唧唧爪立自依依  
莫笑蜂窠小休嗤燕壘微物情元等耳細大各天機

秋高風怒號

人意與秋高臨風意自豪倚欄吟未已拔地怒方號  
露宇遙窮目霜林見落毛威生來虎谷聲震似鯨濤  
六鷁飛應退羣狐懼莫嗥擬騎鵬翼去萬里訪盧敖

金買長門賦

誰買長門賦，閨愁不自禁。  
寸腸抒萬恨，一字直千金。  
菲薄聊為壽，淒涼要寫心。  
珠簾春寂寂，玉戶夜沉沉。  
語妙錢何惜，宮閒恨轉深。  
文君因自笑，我有白頭吟。

雷隱象車音

不聽車音久，逍遙獨倚臺。  
遠聞疑所象，細認隱其雷。  
不怒聲初發，遙聞妾自猜。  
輕移蓮步出，空喜玉輿來。  
只謂君王顧，因知神女推。  
千金誰買賦，會使聖心回。



許由洗耳

有道之君子箕山一許由清波聊洗耳塵世肯回頭此  
趣名千古奚心長九州若令嬰世網何似枕江流俗事  
喧誰聽寒泉響自幽鄰翁牽犢避使我轉增羞

川曲通諸海

直道行今古淵源妙莫窮百川雖若曲大海必皆通  
酢幾千變周流共一中問津非斷港無水不歸東洙泗  
源尤正河汾派亦同縱橫嗟末學濫說未為雄

李下不整冠

李下有傍觀，嫌微擇所安。莫將遮日手，輕整切雲冠。故徑纍垂久，荒林禮數寬。杜陵羞任落，貢禹喜休彈。正操籌待吾，寧岸幘看。兒童却歡笑，就地拾螭殘。

爪田不納履

莫道田間僻，持身懼指瑕。近爪休納履，為履似侵爪。野徑風隨屨，陽陂雨落花。藤方鋪滿地，屨且曳歸家。籬賦長庚夢，鞋吟子美麻。及門如有客，倒屣只烹茶。

精衛銜石填海

精衛誰家女悲鳴苦自憐石知銜不盡海有恨難填妾  
父曾為帝禽言自訴天磷磷空爾啄渺渺浩無邊志有  
愚公似寃同杜宇傳揚塵終可待且伴羽衣仙

觀慶雲圖

伊昔承天慶人間有聖君圖傳何世本今見古時雲就  
日曾謠詠非煙喜郁紛筆工疑顧陸治盛憶華勲簡冊  
歌雖在丹青畫罕聞坎中元有象心畫妙義文

掬水月在手

水下元無月江澄別有天凝眸欣浩浩在手掬娟娟桂  
魄方留影荷衣試弄泉正看波底楸俄入掌中圓太白  
狂應攬知章醉欲眠我知光可汲便擬拍洪肩

弄花香滿衣

隔岸聞風處清晨嗅露房花因閒弄久衣有帶來香試  
摘枝頭白還拈葉底黃恍如玉皇更來自錦窠郎袖比  
朝方罷心因惱欲狂謝安休掩鼻非佩紫羅囊

夢見周公

至聖元無夢傷麟有隱憂道傳自公旦意切為宗周泗  
水遽方覺東山記昔留鴻飛歸不復蝶化恍同游洛卜  
圖何在殷楹涕自收蒲姑如可作料想訂春秋

四更山吐月

愁客眠難穩危欄忽四更乍疑山色改已吐月華明五  
夜籌將轉孤輪缺未盈霜翻禽欲下雲破鬼還生問曉  
樵相語棲寒鵲自驚娥眉秋一半徹夕惱長庚

熱不息惡木陰

苦熱雖求息炎涼愧易心既云名惡木那復有佳陰煩  
溽方三嘆婆娑有百尋匠皆行弗顧吾肯據而吟冷憶  
爪浮玉清思竹碎金鳥猶知所擇人豈馬牛襟

渴不飲盜泉水

盜有經行處波流惡莫湍固能澆我渴誓不飲渠泉奔  
驥如追電長鯨擬吸川貪夫曾就酌饞者莫流涎竊玉  
嚴於史空瓢碎自賢杜陵思賈井病肺卧江船

道不拾遺

世似江河去還聞返朴時久藏天下富不拾道中遺行者歌如砥誰與嘆泣岐鋤金寧弗顧守劍烈能知楚國亡弓在荆山抵玉嬉抱茅嗟薄俗屋破呼羣兒

望祀蓬萊

祀事非常典君王望紫蓬仗從天闕下山在水雲中采藥何時返鳴鞘秩禮隆靈無先沛雨船有引回風夷見燔柴去仙難架海通札書終不驗空翠鎖祠宮

祖二疏

祖帳都門外賢哉惜二疏  
史留名不朽古善畫何如張  
幕班離席歸裝問故居  
辭官兩賢傳送客幾華車  
帝眷慇懃在臣慙老病  
餘重來甘降秩時為子房噓

濟河焚舟

汜濟焚舟去秦兵  
意若何深仇思必雪  
信誓有如河  
甲卒方停棹將軍怒  
指戈連檣皆縱燎  
勁氣欲焚波拜賜  
前言在論功一炬多  
至今臨岸處夢想髮  
皤皤



客星

久要劉文叔論交在闕庭不為渠相漢僅以客名星鶴  
髮薰霜白羊裘近帝青宮中聊欸欸極下獨熒熒一點  
今霄漢孤燈昔釣汀靈臺誇列宿詎肯共圖形

駐蹕山

萬里君王蹕雷驅鐵騎環移來雲下仗遠駐海東山飛  
檄青丘外鳴鞘怪石間龍經占得耳禽語喜逢顏似勒  
燕然去如封岱岳還銑歌模寫徧何不續東蠻

乘月登樓

鐵騎圍何急登樓却自由一輪秋夜月百尺岳陽樓老  
將憑欄怒嫦娥為我留功成長嘯後人在古城頭羽扇  
榮差可胡床庾浪遊千年髯孰似笛裏夢并州

飲馬長城窟

瘦馬如鳥渴長驅傍古城聽他隨窟飲不暇擇泉清沙  
外追風驥榆邊積雨坑花髩搖漢騎草血染秦兵地脈  
千年恨波腥萬鬣鳴思歸頻蹠躑首霜滿宸京

鴈足書

中郎沙漠外，羝乳事何如。  
賴有雲中鴈，能傳足上書。  
銜蘆來內苑，繫帛自穹廬。  
地說荒寒極，人稱老病餘。  
史徒誇問犬，詩莫詠烹魚。  
青鳥僊家使，吾今益信渠。

無絃琴

道外元無罷，聊橫膝上琴。  
本非絃可弄，自覺趣尤深。  
早向聲前悟，何勞指下尋。  
昭文元不鼓，鍾子謾知音。  
蹟矣鍾名啞，傷哉磬有心。  
退之如解此，十操不應吟。

為郎牧羊

卜式何為者清班粉省郎不騎沙苑馬只牧上林羊謾  
詫窠名錦何如屨曳芒含香休向闕挾冊且隨臧列宿  
從嗤我三星喜詠牂尚懷肥報國抗疏欲烹桑

登單于臺

天仗祈連外窮荒鳥雀呼登臺真帝子絕幕遁單于百  
級雲中見千官帳下趨穹廬垂曠野警蹕近清都漢地  
今無虜秦城枉避胡呼韓天日謁却入渭橋圖

天如穹  
廬單四

野勅  
勒歌

蒲鞭

自古官刑在如何只用蒲賢哉知道者陋矣執鞭乎草  
草存咎責拳拳愛體膚教非刑可比恥患免而無舜朴  
書徒識秦敲慘自愚悲因撻黎庶適意與寬俱

被褐懷珠玉

懷寶伊誰識纍然被褐夫荆山寧泣玉滄海任遺珠寬  
博形何散龍鍾智似愚藏淵祇自媚韞櫝有求沽雅志

褰裳臨旁觀按劍無我知韋布樂應不豔金朱

墮淚碑

叔子今何在風流緩帶時傷心因覩物墮淚遂名碑剝

落銀鈎古淒涼玉筋

缺

生前驅萬馬身後立雙螭人物

襄陽記莓苔太白詩

螭頭剝落生莓苔  
淚亦不能為之墮

羊公豈無德戎

衍却堪悲

杏壇

反袂傷麟後淒涼舊日壇尚為人愛惜不使杏彫殘葉

映繚林好枝橫泗水寒一從梁木去多把落花看自昔  
棠思召于今木有韓遙知槐並並根古似龍蟠

聞雞起舞

龍卧何時起生涯厭鼓鼙舞因隨獨鶴聞偶為荒雞楚  
客長更夢秦關未曉啼竹風吹袂舉柳月傍樓低我醉  
非無度渠寒不奈棲誰家小垂手百轉聽黃鸝

圍碁賭墅

太傅籌邊日家庭賭墅時淮淝千載事秦晉一番碁得

算如翁妙爭先落子知汝能輸別業我已笑胡兒曇得  
山先喜氏爭局自癡兩軍臨水處幼度著尤奇

西狩獲麟

西狩知何獲驚嗟徧國人自憐方嘆鳳何事又逢麟伊  
昔追戎地于今較獵頻三家如此僭一角豈為珍筆絕  
真傷魯書成已繫秦同時多虎輩誰信獸能仁

五言長城

老子風騷將雄豪霸一方五言如壁立萬里此城長氣



靡曹劉壘聲喧翰墨場但令投幘去誰詫撫鬚狂  
叢筆  
圖成陣韓文喻倚牆騷壇唯我擅誰敢犯鋒銳

惜花春起早

苦惜花能好晴窗喚起頻只憂春去早却要早尋春一

片飛愁我千枝豔惱人鳴鞭思曉月化蝶逐香塵醉卧

狂誰子

楚狂小子  
韓退之

吟看睡太真每因風雨夜不寢為渠

顰

愛月夜眠遲

意愛多成癖，清秋悵望時。  
月能向人好，夜不恨眠遲。  
搗藥何為者，停盃屢問之。  
貂裘蟾正戀，鴛枕蝶休癡。  
晝短何須燭，更寒且詠詩。  
婆娑無影處，料得夢相隨。

登封泰山

海畔山名泰，東封自昔曾。  
三千餘載記，七十二回登。  
冕輅陳金策，衣冠迫玉繩。  
祕書留歲月，立視俯丘陵。  
華蓋行中阪，松官立幾層。  
祖龍空刻石，千載笑冥升。

暮聲花院閉

花院重重閉香風拂面輕游觀多野趣靜聽有碁聲松  
老藏孤寺柯翁看幾枰反關從爛熳落子自敲鏗得著  
僧應笑棲枝鵲又驚須臾聞剝啄收局出相迎

寒機曉猶織

機上誰家女更長睡不安當牕祇自織到曉不知寒霜  
瓦凝威重冰絲續斷難梭聲隨漏盡妾意為衣單錦字  
挑誰寄銀缸剔已殘姑畱刀尺久零落待輸官

肅時雨若

肅肅存吾敬冥冥若有期人皆欣雨若心為有天知惻  
切憂民志勤拳在廟時片雲催許急三祝果伊誰方寸  
來何易吁嗟禮亦宜虛中求造化事應不須唯

鼠鬚筆

安得如椽筆晴窗弄鼠鬚知渠來某氏

永某氏之鼠

為我作

尖奴熏室搜羅盡精粗簡拔殊香沾窗下墨腥帶甕中  
腴食肉非無相揮毫且共娛生因斯恨汝莫把篆臨模

僧敲月下門

深夜沉沉寂誰行下嶺均寺深明月照門閉老僧敲剝  
啄林間寺嬋娟雲外梢山童破幽夢人影並疎茅殿冷  
存餘篆窻明待解包山虛傳谷應驚鵲亦離巢

笛裏關山月

笛裏愁千緒更長憶故山今人吹古曲漢月照秦關霜  
竹和聲切胡床倨坐閒一輪秋塞外萬嶂野雲間此夜  
聽渠弄何時照我還回思帝城角花影映朝班

隔竹敲茶

興入盧仝椀龍團旋解包忽聞茶窗響正隔竹窻敲活  
水烹新茗香風度綠梢聽知童落杵驚起鵲離巢香比  
雲英搗清無水厄嘲林深畱客處未羨已公茅

門多長者車

窄窄柴門下多應隱士居時人皆障面長者競迂車羅  
雀寧辭客瓜牛舊有廬高軒詩李賀都騎賦相如痛飲  
宜投轄何心更曳裾辛勤有此室鄙矣羨金魚

師直為壯

古有征無戰堂堂整六師直哉能用壯敵者欲何為道  
在周如矢兵行漢有旗天威雷在上人喜雨如時敷德  
苗歸舜子盟魯却夷淮淝知義勝算入謝安棋

星陳天行

法駕誰摸寫形容比太清星陳元肅肅天運自行行閭  
闔開黃道璇璣映玉衡蓋明瞻帝近旗動認參橫移得  
魁台下如聞警蹕鳴流光知遣使招我立通明

叫舜蒼梧雲

叫舜嗟何處梧江去路長天高心渺渺雲遠地蒼蒼我  
欲排闥闔誰能訪帝鄉淚沾瀟水碧夢入瘴煙黃莫喚  
湘娥問空憐老杜狂重華何可就騷筆更淒涼

山上有澤咸

彼澤卑而匯維山峻且巉上應無見有氣以感而咸石  
隱虛中竅春蒸潤下鹹畫前分艮兌象外識機絨野露  
浮江柳溪雲到嶺杉箇中皆易理具眼要非凡

君王畫陣看



聖世憂邊切騷騷羽檄忙  
凱歌來幕府畫陣奏君王  
陞千官慶軍書一卷長捲舒從御榻想像到沙場此日  
丹青筆當時赤白囊會看麟閣上圖寫更輝煌

洗硯魚吞墨

攜硯臨流洗迎人戲小魚  
忘機知似我吞墨喜看渠  
案上研磨久池邊浣濯初  
黑翻波裏影素染腹中書  
水與烟俱落香知餌不如  
誰能圖罩罩點筆滴蟾蜍

烹茶鶴避煙

隔竹敲茶臼禪房汲井烹山僧吹火急野鶴避煙行入  
鼎龍團碎當窻蛭竅鳴紫雲飛不斷白鳥去邊明雲舍  
飄猶濕風巢遠更驚通靈數椀後騎汝訪蓬瀛

敲雲問名氏

避喧誰氏子遠近不知名踏雨來相問敲雲忽自驚空  
濛迷處所剥啄訪平生不是師嚴釣應須學尹耕深山  
無戶籍虛谷答人聲野服徐迎客論文到月明

又

何意逃名氏祇緣避俗紛有人來隔嶺問我獨敲雲剝  
啄聲雖急朦朧喚未聞嚴耕應似子說築豈非君瞥去  
鴉驚起誰來稚荅云日高纔出戶對客却慙慙

灘聲起魚眼

酒醒聞敲雲呼童汲水烹龍頭琢山骨魚眼起灘聲活  
水催泉急凝波與石爭鱗無游釜見目有比珠明車異  
羊腸繞蠅啮蚓竅鳴磨刀誰氏子對此憶鱸羹

葉帶露痕書

拾得堦前葉提攜近玉蜍自呵冰凍筆猶帶露痕書秋  
興題紅日霜寒墜綠初珠凝光細碎墨淡字稀疏滴硯  
研朱易渲毫汗竹如更乾度亦喜勤掃入僧廬

不下帶道存

身外元無道樞衣樂聖門能因機以悟不下帶而存身  
俯心何愧腰垂手可捫步趨如有見左右自逢原顰錫  
殊三褫紳書味數言垂魚何足羨愈以訓兜孫

竹溪盧齋十一藁續集卷十八